



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

VI. Markgraf Ludwig vereignet dem Kaland in Bernau Hebungen aus dem  
Dorfe Mehrow, am 31. Oktober 1345.

---

---

**Nutzungsbedingungen**

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

VI. Markgraf Ludwig vereignet dem Kaland in Bernau Gebungen aus dem Dorfe Mehrow,  
am 31. October 1345.

Noverint universi tenorem presentium inspecturi quod nos Ludewicus, Dei gracia Brandenburgensis et Lusacie marchio, Comes palatinus Rheni, Bavarie etc. pretendentes sollicite, quod status et vita sit labilis et in celesti iherusalem solummodo sit quies et habitacio sempiterna, ob remedium et memoriam perpetuam magnificorum principum Marchionum Brandenburgensium bone recordationis predecessorum nostrorum, nostri, heredum et posterorum nostrorum appropriamus per presentes et appropriare decrevimus discretis et honestis dominis presentibus et succedentibus fratribus Calendarum ecclesie civitatis nostre Bernow tria fructa annuorum reddituum sita in censu ville dicta mere eo jure, libertate, gracia sive commodo, quibus dictos redditus discretus vir Tyle dictus Brukke, Civis in Berlin, nobis dilectus, possedit, tenuit et habuit, altari ad quod ipsas deputauerunt, assignauerunt vel dederunt iusto proprietatis titulo perpetue pertinenda, renunciantes pro nobis, heredibus et successoribus nostris omni juri et accioni, quod uel que nobis in predictis redditibus competebant vel competissent aequaliter in futurum. Testes uero huius sunt strenuus vir Ffedericus mutener curie nostre magister, Albertus de Wulffsteyn et Bartoldus de Euenhusen, Coquine nostre magistri, milites, cum ceteris pluribus fide dignis. In cuius rei testimonium sigillum nostrum presentibus duximus appendendum. Datum Berlin, Anno domini M<sup>o</sup>. CCC<sup>o</sup>. XL<sup>o</sup>. quinto, feria secunda, vigilia omnium sanctorum.

Nach einem Transsumte des Probstes Nicolaus von Bernau vom 22. April 1422.

VII. Markgraf Ludwig genehmigt, daß Probst Gerwinus zu Bernau den Bürgern Nicolaus  
Rauen und Henning Schönfeld Gebungen im Dorfe Lodenburg verpfändet,  
am 29. Dezember 1346.

Nouerint etc. Quod nos Ludouicus etc. Ad obligationem reddituum ville lodenburg, quam honorabilis vir dominus gerwinus, prepositus Bernowensis, quem meritorum suorum consideratione specialiter prosequimur, discretis viris nycolao rauen et hennyngo Schönevelt, ciuitatis nostre bernowe ciuibus, obligauit, nostrum consensum adhibemus presentibus et assensum sic, quod dicti nycolaus et hennyngus seu ipsorum heredes dicte ville redditus tantum possidere debebunt nomine pignoris, quousque de veris redditibus ipsius, quorum prime solutionis terminus instabit in festo beati Martini proxime venientis et deinde continuando debitis solutionum terminis prefato domino gerwino viuento seu decedente XXX marcas arg. Brand. sub defalcationis titulo exceperint integraliter et complete, quas prefatus gerwinus ipsis pro certis suis debitis assignauit. Mandantes officiatis nostris presentibus seu qui pro tempore fuerint, ut memoratos nycol. et hennyngum seu ipsorum heredes ante plenariam satisfactionem, ut premititur, non impediant nec sinant per quempiam impediri. In cuius. Datum Brandenburg, anno XLVI, feria VI ante circumcissionem domini.

Item sub similibus verbis data est preposito litera super Jo. diuitem, Copkinum de rode et Jo. Blok.

Nach dem Copialbuche des M. Ludw. des Ältern, betr. die Vogtei Barnim No. 33.